



望溪先生文 偶抄

哀辭

徐詒孫哀辭

受業王兆

符程泰



康熙辛未余始至京師卽與詒孫善嘗怪其才足以立事而於仕進泊如也學足以立言而於論述頽如也間與同舍夢中數悲嘯或探辟而呼余驚起問故則垂涕而不言叩其鄉人乃知其父惑於所嬖母得心疾每欲以義理廣之語相近軌以他說格余癸酉冬自京師歸其家余始寓書告以君子之遭變也在審其身之所處繇之殛也禹未嘗身殉於羽淵而匡章之行不見絕於孟子况未至此極者乎使徒若焦若熬以喪其精爽而於身之所處或未盡焉非君子之所尚也戊寅冬十有一月余客澄江舍側有方池夜夢詒孫赫然起自池中面泥淖瞪目無言覺而心惡之次年秋七月歸金陵得詒孫凶問果以余見夢時死詒孫之歸也母癩益甚父閉之加束縛焉詒孫日夜號泣而從數歲亦得心疾昏昏不辨人事一夕自投門外小

望溪集

哀辭

溪中始詒孫去京師余送之岐路間旣與儕輩登  
車復返下車執余手而號慟曰惟子知我何當歸  
吾與子得更相見足矣其後詒孫一至金陵余適  
在外竟不得再見余一子新殤意殊不自得及聞  
詒孫死出門西鄉號而哭之不復覺子死之痛矣  
詒孫姓徐氏諱念祖池州青陽人年四十有四內  
行潔修文章冠郡邑聞其死者知與不知皆爲流  
涕其辭曰

生常自懟兮吾知子艱死非其所兮人終汝憐仁

望溪集

哀辭

二

孝之鬱兮爲惑爲癡孰使至此兮彼蒼者天

駙馬孫公哀辭

駙馬孫公諱承運遼東人也其先將軍思克爲國  
扞城顯功名於秦隴康熙三十有五年

上親征厄魯特噶爾丹三路並發將軍以西師絕  
漠扼之殲其魁其部由是遂亡駙馬爲童子時召  
見卽許以尚主駙馬生貴甚而性樸厚出於自然  
瀋陽范恒庵白山祁學圃每道其爲人曰以不學  
爲恨聞過而能改未有如斯人者也己亥孟夏吾  
友左末生自江東來省余會余將祇役塞上恒庵  
望溪集 哀辭

言於駙馬使延未生偕行以便余駙馬先就見擇  
日以騎迎使者曲跪將命及門主人先俟於門外  
歷門塔必揖三讓升堂使子某出拜曰孺子非能  
師先生也吾少失學欲先生講以所聞耳駙馬以  
扈從先至

上營五月朔未生繼至越八日忽禡車裝載過余  
曰駙馬遭厲疾一夕死矣因太息曰吾固知斯人  
之不長也卧一室寧謐如儒生每薄暮下直雖甚  
憊必手一卷問難移時室無聲色狗馬珍異之觀

門無獻技請事之客世胄中幾見此乎駙馬年始  
三十有一形貌偉然其折節務學蓋不甘以勳戚  
終而將益振前人之功緒故其卒也未生恒庵學  
圃哀慟皆逾常雖余亦不能自克也其辭曰  
嗟蔓草之叢生兮朝繩芟而夕滋何芝蘭之旖旎  
兮日數漑而猶萎彼受氣之有厭兮此剝喪其焉  
懃軫予懷而不釋兮予不自知其所爲

劉北固哀辭

康熙四十七年秋七月吾友北固歸自廣東余與其弟古塘溯江候於桐過期不至而得凶問嗚呼昔吾先人與劉氏世好以行輩北固尊於余而與余爲兄弟交北固生於桐余生六合繼而遷江寧未相面也而所學之趣同稍長朋試於有司名必相次也及遊四方與士大夫往還善於北固者多余昵好而嫉余者間波及於北固與北固居或此唱而彼和或辨論相持襍以誚讓而胸中所懷無

望溪集

哀辭

五

毫髮間隔未嘗覺其爲兩人北固終世爲羈於京師而余往來流滯者亦十年每愁思無聊或中有所得輒思見北固計旬日中必再三宿其寓齋余疲病困憊恒先就寢而使北固誦詩歌古文卧而聽之靜夜聲朗然率以爲常他時客異地歸休於家獨居私處未嘗不念此樂也北固體素強邇年頓衰余旣東歸再書責之恐其負夙志而羈死於遠方北固感焉其遊廣東蓋將次第爲歸計而謀所以終老者乃不幸竟道卒其喪之還子選适與

古塘往迎余以故未得借欲哭於其殯之次亦未  
得也因為文以摭余悲俾其子薦告以妥靈焉其  
辭曰

謂子之歸兮終吾生以後先痛一言之未接兮遂  
閉影於重泉宦與學其交悔兮命奄忽而不延吾  
語子非不早兮胡因循而致然

望溪集

哀辭

六

宣左人哀辭

左人與余生同郡長而客遊同方往還離合踰二十年而爲汎交已丑庚寅間余頻至淮上左人授徒邗江道邗數與語始異之其家在龍山吾邑山水奇勝處也每語余居此之樂而自限近六十猶栖栖於四方余久寓金陵亦倦遊思還故里遂以辛卯正月至其家左山右湖皐壤如沐留連信宿相期匝歲定居於此而是冬十月以南山集牽連逮時左人適在金陵急余難與二三骨肉兄弟望溪集哀辭

哀辭

七

之友相後先在諸君子不爲異而余固未敢以望於左人也壬辰夏余繫刑部左人忽入視問何以來則他無所爲將歸謂余曰吾附人舟車不自由以天之道子無恙尋當歸吾終待子龍山之陽矣及余邀寬法出獄隸漢軍欲附書報左人而鄉人來言左人死矣時康熙五十二年也龍山地偏而俗淳居者多壽考左人父及伯叔父皆八九十左人貌魁然其神凝然人皆曰當得大年雖左人亦自謂然而竟止於此余與左人相識幾三十年而



不相知相知踰年而余及於難又踰年而左人死  
雖欲與之異地相望而久困窮亦不可得此恨有  
終極耶辭曰  
嗟子精爽之炯然兮今已陰爲野土閉兩心之所  
期兮永相望於終古川原信美而可樂兮生如避  
而死歸解人世之糾纏兮得甘寢其何悲

望溪集

哀辭

八

武季子哀辭

康熙丙申夏聞武君商平之喪哭而爲墓表將以歸其孤冬十月孤洙至京師曰家散矣父母大父母諸兄七喪蔑以葬爲是以來叩所學則經書能背誦矣授徒某家冬春間數至假唐宋諸家古文自繕寫首夏余出塞返役而洙死已浹日矣始商平有子三人余皆見其孩提以及成人長子洛爲邑諸生卒年二十有四次子某年二十有一將受室而卒洙其季也憶洙五六歲時余過商平常偕望溪集哀辭九羣兒喧聒左右少長抱書從其父往來余家及至京師則幹驅偉然余方欲迪之學行以嗣其宗而遽以羈死有子始二歲商平生故家而窶艱迫阨視細民有甚焉又父母皆篤老煩急家事凌襍米鹽無幾微輒生瑕釁然卒能約身隱情以盡其恩而不愆於義余每歎其行之難也而旣羸其躬復札其後嗣嗚呼世將絕而後乃繁昌者於古有之矣其果能然也耶洙卒於丁酉十月十日年二十有一藁葬京師郭東江寧義塚余志歸其喪事有

待先以鳴余哀其辭曰

嗟爾生兮震愆罹百憂兮連延蹇孤遊兮局窄命  
支離兮爲鬼客天屬盡兮煢煢羗地下兮相從江  
之干兮淮之汭翳先靈兮日延企魂朝發兮暮可  
投異生還兮路阻修孺子號兮在室永護呵兮無  
失。

望溪集

哀辭

十

阮以南哀辭

始余兄弟應童子試卽聞阮君以南名於閭巷間  
及入庠序與君後先時相見稠人中而未狎也其  
後余遊燕齊倦而歸則先君子故交零落幾盡而  
新知中惟阮先生汝咸經過最密叩之則君之父  
也君所居近市曲巷小橋逶迤而入四面環陂塘  
老屋數間蔽翳於叢篁高柳中入其門如在山林  
之隩方盛暑風謨謨穿戶牖坐有頃必加衣自仲  
夏入秋日未旦先君子卽披衣就阮先生夜定然

望溪集

哀辭

七

後歸率以爲常君率妻子力作殺雞屠狗具肴蔬  
未嘗乏絕阮先生旣歿君於門側市藥而授生徒  
於堂上先君子旬月猶三數過君余兄弟隨行每  
至君必散生徒輟其所事置酒酣嬉終日而罷由  
前○之○爲○君○以○樂○其○親○也○由○後○之○爲○則○以○便○余○兄○弟  
之○情○而○不○肯○逆○也○嗚○呼○君○可○謂○順○於○親○而○篤○於○友  
者○矣○君○旣○免○喪○時○謂○余○子○知○交○在○四○方○朋○儕○多○資  
子以餉其口而獨遺余何也時余私計先君子栖  
遲寡懽惟君居近而意愜故獨難之以滯君之行

及先君子歿而余及於難又踰年而君死追念平生遊好傾心向余而余無纖毫之報者莫如君乃哭而爲文以志余哀君諱夢鰲江寧人卒於康熙某年年五十有一余聞其喪次年之某月日也其辭曰

忠○養○不○匱○心○之○競○也○蹇○以○無○年○亦○其○命○也○重○施○而○莫○以○稱○獨○余○之○病○也○

望溪集

哀辭

十二

李伯子哀辭

李習仁字長人吾友恕谷長子也戊戌春余命子道章就學於恕谷歸言習仁耕且學孝友信於其家今年春恕谷歸自江南率習仁過余俾受業其承親事師交友跬步皆在於禮而行之甚安白門翁止園見而嘆曰子弟中未見如斯人者也恕谷少游浙東西樂江介土風南中士人亦聞其風而慕之故率習仁往相宅其乘車習仁御騎則執鞭以從恕谷與諸公論學左右其間南士皆傾心焉

望溪集

哀辭

十三

恕谷以母老未能定遷會其友內人南行使習仁與妻附舟先之至天津疾作將暫反比登車曰吾父志此久矣疾當愈何反爲還舟又數日疾革其妻出視命之曰勿泣此外艙汝不可久留夜將半氣絕惟小童在側時康熙辛丑八月望前一日也昔明道程子誌其子邵公謂賦生之類雜糅者多而精一者間或值焉則其數或不能長夫自古聖賢之生鮮不爲帝王公侯卿相澤流世嗣者而程子之言若是豈如衆人之激於所遇耶蓋深觀造

化之消息。而有以窮其變也。余杪秋自塞上歸。聞  
吾友劉古塘長子將冠而殤。南中子弟無與比並  
者。慘慟未平。而習仁之訃繼至。嗚呼。以怨谷古塘  
之躬行。日暮途窮。而天奪其良子。以二子之資材。  
間值而不能延。其一日之生。此余所以易哀爲憂。  
而終之以懼也。習仁自成童。有巨人之志。旣冠立  
課程。自檢晝所爲。夕必籍之。卒年二十有四。妻宋  
氏始有身。其辭曰。

嗟爾幼志離羣。匹兮善承親心。嗣道術兮晝耕夜

望溪集

哀辭

十四

誦六藝。畢兮性栗。而溫儀有壹兮。熒熒南行。志決  
壯兮。知命不惑。死無恨兮。任道有徵。識祈嚮兮。斯  
人則亡。予復何望兮。

鮑氏姊哀辭

鮑氏姊幼名且前母姚孺人出也。吾母繼室姊七歲苞之生姊年十有二矣。時吾父寓棠村家無僕婢獨以苞屬姊絕乳食必啼姊抱持且行且食之。食竟乃止遂以爲常姊夫鮑氏庶長也。君母嚴姊敬事焉。因以庇所生之姑有姒恣睢負嫡勢相陵。兩家僕婢嘖嘖姊於弟妹未嘗一語及之。父母有問則稱嫡姑均愛姊歸三歲喪夫逾年一子殤撫。姒所生女久之又撫其子皆深愛如已出。旣老相望溪集哀辭。視泛泛姊嚳然也。一日歷而不能興苞赴

十四

詔獄姊適送女越境無由語訣又十有四年蒙

聖恩許假歸葬而姊卧疾已經年矣。每見苞則嗚咽不可止。用此過旬乃敢一往視。比北上登程五旬有五日而姊卒。時雍正三年三月二十九日也。苞性劣而遇屯於父母兄弟。尠不遺恨者。而未若姊之深苦不能悉生不能依疾不能養。又無子女以寄其愛。嗚呼苞其若此心何哉。姊夫卒以瘵旣葬仲復羸疾其家用俗忌發而焚焉。未知兆安在。



聞姊喪命兄子道希相視誠度然後以姊耐歲將  
除問未至無以攄吾哀乃涕泣而爲楚言其辭曰  
幼而苦辛乃義之服些天命早寡亦未云酷些疇  
嘔隱憫遭是則獨些旣息以死猶淹衾褥些胡爲  
大年俾饜此毒些

望溪集

哀辭

鮑氏妹哀辭

雍正六年秋八月朔後三日始聞鮑氏妹之喪距其卒百二十有七日矣兄子道希懼余盛夏病不勝哀故緩告妹爲先君第四女渾厚靜默於先母爲近幼共饑寒諸姊嫁後佐母治家事歸鮑氏子季昭其伯兄孟虎卽伯姊夫也早夭無後家以漸落仲尙能少蓄藏及季受室則掃地無遺與仲分日供二親及巨嫂食姑夙愛仲婦及晚歲每語人曰季婦良苦值主饋吾食飲常得節適伯姊之終望溪集 哀辭

明之氣耶抑心之精爽至是而消亡耶乃爲文以  
攄余哀俾道希薦告於殯宮其辭曰

嗟予同氣性和壹兮命則坎屯鮮安吉兮汝雖貧  
約家室寧兮惟是戚屬涕淚盈兮二昆瘞札兩姊  
燭兮存者三人疾阨兼兮鄉予在難慘未別兮老  
母北轅痛永訣兮昔歲生還相慰撫兮送我階庭  
遂終古兮生叢百憂如滕繼兮死果無知解此懸  
結兮

望溪集

哀辭

七

嫂張氏墓誌銘

嫂姓張氏江寧人年二十歸吾兄先君喜交游四方耆舊及里中執友相過日數輩自嫂歸兄督就中饋老母始少得休息余受室妻蔡氏從嫂供事多不逮用此志不相得及蔡氏亡二女依嫂以居少者痘先母語余女疴危氣息觸人不可耐世母保抱攜持意色不厭亦人情所難也自先君歿冢婦持家余以老母盥饋及家事數責讓嫂常含怒及余邁難盡室北遷幼女復依嫂以居撫之不異

望溪集

墓誌

十八

於所生吁此雖嫂之明抑吾母淳德及吾兄身故之所漸漬也余兄弟三人弟林未娶而夭余與兄奔走衣食生常違離兄將終遺命三人必向邱婦皆別葬康熙壬午兄及弟卜宅泉井之西原近二十年以陰流積壙起厝復數年而地不可得雍正六年正月余在京師兄子道希計母喪且請誌以文律按之婦從夫宜附誌而兄有成命嫂當別葬則特誌無妨也兄既有前誌而嫂葬無期余衰羸恐不逮事乃預爲誌以慰道希兄弟之思嫂年六

十卒以雍正五年十二月十二日子二長道希次  
道永女一適喬氏子嫂素無疾邇歲諸孫盡殤又  
爲姻家所累家益落隱憂自懟馴至大疾嗚呼是  
重可哀也銘曰

從夫教義克明有子而良終延世以蕃昌

望溪集

墓誌

十九

亡妻蔡氏哀辭

妻蔡氏名琬字德孚江寧隆都鎮人以康熙丙戌  
秋七月朔後二日卒在余室凡十有六年自巳卯  
以前余客京師河北淮南歸休於家久者乃三數  
月耳自庚辰至今赴公車者三侍先兄疾踰年持  
喪踰年而吾父自春徂秋必出居特室余嘗從焉  
又間爲近地之遊其入居私寢久者乃旬月耳余  
家貧多事吾父時拂鬱且晝嗟吁吾母疲疴間作  
吾與妻必異衾裯竟夕無言妻常從容語余曰自  
望溪集 哀辭  
吾歸於君吾兩人生辰及伏臘令節春秋佳日君  
常在外其相聚必以事故不得入室或蒿目相對  
無歡然握手一笑而爲樂者豈吾與君之結歡至  
淺耶余先世家皖桐世宦遠自遷江寧業盡落賔  
祭而外累月踰時家人無肉食者蔬食或不充至  
今年余會試注籍春官歸踰月而妻卒妻性木強  
然稍知大義先兄之疾也鷄初鳴余起治藥物妻  
欲代余不可必相佐又止之則輾轉達曙數月如  
一日也壬午夏吾母肝疾驟劇正晝煩曠不可過

命妻誦裨官小說以遣之時妻方娠徃徃氣促不能任其詞余戒以少休妻曰苟可移大人之意吾敢惜力耶余性鈍直而妻亦戇生之日未嘗以爲賢也既其歿觸事感物然後知其艱余少讀中庸見聖人反求者四而妻不與焉謂其義無貴於過暱也乃余竟以執義之過而致悔焉甚矣治性與情之難也蔡氏在江寧爲儒家妻生男二人皆早殤女二人其卒也產未彌月蓋自懟以致疾也年三十有七于是流涕爲辭以哀之曰

望溪集

哀辭

三十一

惟。在。生。而。常。捐。乃。既。死。而。彌。憐。羗。靈。魂。其。有。知。併。悲。喜。於。余。言。

兄子道希墓誌銘

道希吾兄百川長子也性淳一兒時果珍在前不  
予不求索多病苦藥物予視之則斂容而飲大父  
母愛之每以忘其憂年十七入縣學課試必高等  
以家禍遂棄舉業力持門戶余初被逮借縣令蘓  
君以

特召白吾母及邀寬法老母北上終不知余之在  
難、以、道、希、能、巧、變、以、安、大、母、也、時、弟、妹、皆、幼、內、憂  
外患獨身當之遂得危疾連年累歲吾母卒後入  
望溪集

墓誌

三

省余者再疾皆動每切戒毋更至及終母喪迫欲  
依余余發家書必申前諭乾隆元年  
詔舉孝廉方正四年冬旅見

上有褒語命仍應制科會弟道永通判京兆僕隸  
設詐得財事發朋謀誣污主人以自脫道希氣噎  
及聞其弟受刑自日未中以至於昏大慟遂沉篤  
厥後大小司寇親訊半得昭雪而道希疾不可振  
矣自先兄與余依古禮經定齋期喪次余雖在外  
遇期功道希必率諸弟出次始成童喪余妻啼號



如失怙恃大母及余設辭多方不能曲解也余子女五人愛道希或過於同生其卒也年五十有四在余側不異爲孺子時余視之亦如孺子平生無一言一動使余心隱然不適者茲來盡室以行蓋將送余之終而余乃視其棺斂其妻子又以道永之禍窘急適歸余惡能無恨哉然於道希繼繼依余之心則可以無恨矣道希卒於乾隆六年正月十八日妻岳氏工部主事岳康女有賢行生子仁聰明和順十歲而殤女二人繼室以其妹無子以望溪集

墓誌

三十三

道永之長子惟敬嗣

年某月某日葬於

鄉原銘曰

雖離慙以終世實無忝於所生我憑當心兩弟在旁安歸泉塗汝母惻傷

兄子道希婦岳氏墓誌銘

雍正九年九月望後二日日旣夕余歸自海淀渴且饑會兄子道希婦岳氏訃至家人進糜粥甫入口氣上逆而止夜不能寐蓋悲余在難顛危困迫惟道希首當之而婦實共之又念道希貞疾垂老旣喪其良子而又亡其妻益無以安其身也岳氏來婦先兄之歿久矣事余極恭順而事姑之禮或未詳余時督教及余難後越十有三年得假歸葬則姑姊妹翕然稱冢婦之良岳氏有子曰仁生十年而殤其生及殤余皆未之見也而聞其聰明淳篤秀出於衆其天也家人咸爲感傷而忍心者或以相詬誶冢婦常示之以默衆尤以爲難余自有知識見族姻里閭以及四方所傳聞凡婦人之邪惡而作慝於夫家者動數十年無止息甚者名辱家毀而其身乃康強而考終其賢者非貧病無子則不得於夫其當於夫必早寡或中道而隕其生嗚呼咄哉余生世幾何自先祖暨先兄亡弟皆以陰流入壙出而攢已逾十年若亡妻若兄孫仁

若嫂氏先後權厝近郊者纍纍焉岳氏之葬未卜其何年也憫其賢而無子又不得與夫偕老故豫爲誌銘以畀道希且以紓其哀岳氏四川涪州人工部主事康之女卒於八月望前一日年四十有六女二人銘曰

生無逆於倫死有思於人亦何恨乎無身

兄孫仁壙銘

兄子道希有子曰仁余北徙後始生於金陵昏  
塵事中未暇詰其性質何等也雍正元年吾宗邀  
恩赦除旗籍秋八月將遣妻子南歸祭告於考妣  
既餒餘南書至則仁死矣余感而疾逾月弗瘳蓋  
先兄之子二而在孫惟仁曾祖副使公以後之宗  
子也其父之書曰兒弱植自四五歲得氣疾旬月  
必作痛苦不可忍少間則不待督課而盡志於書  
生十年通四書毛詩每叩疑義輒困其師夕返內  
壙

望溪集

壙銘

三六

舍數舉經說以開始姊妹死之日自恨曰仁不孝  
之子也自今吾父母大母弗得寧矣嗚呼仁之生  
適○當○吾○宗○禍○氣○之○興○其○父○母○震○動○播○越○則○受○氣○之  
不○完○固○其○理○也○然○造○物○者○既○不○欲○假○以○生○而○特○賦  
以○清○明○醇○懿○之○性○質○何○爲○其○然○哉○仁○生○於○康○熙○五  
十三年三月以雍正元年八月殤葬於江寧南門  
外銘曰

家禍寧爾命傾緊神者之不弔而昇以毒余之中  
情

高善登妻方氏墓誌銘

四川夔州府學增廣生梁山高善登妻方氏工部  
至事諱登嶧之女己丑進士世濟之妹也於余爲  
妹之無移服而未遠者工部居近吾家世濟童稚  
視余如嚴師至其家必從問經書古文妹常在旁  
高氏故華族流寓金陵甚貧妹歸不逮舅姑能忠  
養祖姑兼奉尊嫜之勞自工部父子以家禍謫戍  
黑龍江族衆北徙善登餬口四方妹獨持門戶忍  
饑寒課子吾宗在金陵者或窶艱自顧不暇或不

望溪集

墓誌

三

相往來惟歲時一返余家視道希兄弟如近親喜  
憂必告時通有無然逾時閱歲必歸之以爲信不  
可曲止其後年餘絕無假貸道希兄弟時候問門  
者每以他出辭入視戶果外鍵雍正己酉秋疾旣  
亟道希始聞奔視卧蒯席別無覆薦惟少子在側  
急購衾茵進藥物越二日而卒老婢曰年來以假  
貸不能歸表敝履穿戒姪輩至卽鍵戶堅辭曰無  
爲使忡忡也時長子允從父歸西川應鄉試道希  
道永道章親含斂以書來告嗚呼先王制禮小功

而已反其初生人之患而今其免夫而母疾其蘇  
而安而居

望溪集

廣銘

三

鮑氏女球壙銘

康熙庚寅夏五月余妹適鮑氏者卽疾甚憊而余有故鄉之行徃視之其長女球侍戒以在視食飲寢興之節球淚應聲落踰月余在皖家僕至叩之則妹疾少蘇而球邁癘疾死矣金陵俗浮惰而女教尤不修甘食美服嬉遊而外爲女爲婦之道胥無聞焉其富女以此相高貧者不得則以懟其父母賤其夫而外其舅姑余每侍老母側見內外宗女爲陳古女婦儀法羣女徃徃心病余言稍稍自

望溪集

壙銘

三九

引去獨球承聽久而益恭鮑氏故富饒至球父甚婁又多子女而家無僕婢球自十歲卽佐其母汲爨縫紉浣濯攜持弟妹凡成人之艱辛實備嘗焉而自有生以至於歿其饗殮未嘗一節適也被服未嘗一完善也故余與其父母用此尤不能爲懷然世之福祥壽考而缺於人道以愧負其所受於天者多矣而球無愧也然則余與其父母亦可以無恨也球以康熙庚寅七月二十三日殤年十有六未字葬於某鄉某原銘曰

皆在他邦加一等其此故也夫余與道希兄弟悔  
痛不可追矣然其性行之艱貞不可使終泯也故  
質言之俾異日以奠於幽宮妹謹敷年五十有一  
子二人允乾隆元年恩科舉人暉縣庠生銘曰  
假而非女士遭變砥節志事當如何吁悒乎隱愍  
而莫之恤惟生者之瘥



族子根穎壙銘

明善先生之後能世其學者惟中丞之子孫諸父  
行皆先君子所善而十五弟焄采尤與先兄相得  
先兄既歿且數年余遇焄采丹陽道中相持而哭  
失聲自是聚則相歡離居則相念也雍正三年季  
春余至京師其秋焄采亦至心疾累月不瘳踰年  
而其三子根穎至自桐左右就養藥物無違焄采  
稍自寬疾漸愈根穎年雖少好古書日輯左傳義  
疏焄采暇則爲講畫余方喜其旅中得良子以忘

望溪集

墓誌

三

其憂而根穎尋抱疾其冬焄采館通州根穎從踰  
年春夏益羸余再使往問未得報而焄采至自通  
根穎以五月晦前一日死矣叩所由則始至時父  
疾方劇憂思喀血隱而不言至垂死乃得其狀昔  
先兄及余避事吳中弟林偕喀血不言循至大疾  
用此見父兄於子弟仁孝者察其形神以求其疾  
痛尤不可以不悉也嗚呼民之壽夭皆曰命於天  
然仁孝者每以戕其生則何以勸哉焄采旣自爲  
哀辭屬余銘其壙乃垂涕而爲之書根穎生於康

熙壬午卒年二十有六未娶銘曰

爾父疾無滋以爾歸耐食以爾宗靈其億而

望溪集

墓誌

三

方曰崑妻李氏墓表

孺人姓李氏揚州府興化縣人吾宗知孝豐縣事  
諱將之子婦邑諸生曰崑繼室也於苞爲共五世  
祖斷事公之諸母行比俗之人謂劓股肱可療疾  
雖子女行之於父母亦爲過禮而以吾所聞廣昌  
何某妻魏氏刲肱求療其姑一時名輩爭爲傳記  
詩歌以紀之又二十餘年而有孺人之事乾隆壬  
戌余蒙

恩歸里孺人之柩適至自閩中長子杭以狀求誌

望溪集

墓表

三

銘始聞其詳孝豐府君病牖墮長子曰岱割股以  
進少閒數日疾反曰崑欲踵行之孺人曰子疾初  
愈甚羸如重傷大人病必臻夜半侍婢皆卧登樓  
禱於宗祏引刃自劓昏仆久而蘇強自纏縛味爽  
作羹府君食之病又小愈者闕月及將終乃知孺  
人事呼而至曰死生命也然汝必育賢子孫曰崑  
兄弟十三人惟伯兄及四弟曰岳爲適出而曰崑  
曰岳生同胎曰岱宦遊曰崑欲與曰岳同爨謂孺  
人曰爾能自必終世無生異同否孺人曰子能自

必何問婦人孺人處宛若聞如弟妹之事兄姊門  
以內少壯男女皆相親曰岱初任閩之沙縣改調  
泰寧曰岳卒於沙曰崑從至泰寧孺人以俗言生  
同者死期亦近時杭館於閩之榕城孺人挈子女  
及杭之妻女間關赴泰寧未一年曰崑果卒孺人  
親視含斂杭述孺人淑德甚詳然舉是三者則仁  
孝明知之見於他行者視此矣銘以藏幽孺人之  
事宜使觀者感興故爲表於外碑孺人享年五十  
有五父漳浙江湖州府衛守備與孝豐君善故爲  
望溪集 墓表

昏媾祖嗣京明河南道御史曾祖春芳大學士子  
三人女四人系曰

茲事之義類余於廣昌魏氏論之詳矣孺人求療  
其舅其事尤希而持之則有故蓋大懼夫或重傷  
以駭慟垂盡之親故不得已而自劓以塞其意也  
往者亡妻蔡氏亦嘗割肱求療其姊及來歸余告  
以三從不二天之義乃自知無謂故備列之俾慕  
爲仁孝者得自鏡而審所處焉

望溪先生文

偶抄

祭文

受業王兆符程峯輯

祭顧書宣先生文

嗚呼大雅蕪塞不絕如線公復云亡來者何見古  
惟哲人以道相持降而文學猶其流支陸相登韓  
道光於唐程張蘇曾顯以歐陽假無二公二代曷  
述羣賢繼武茲塗無闕余試禮部實出公門公嘉  
余文或有違言公謂斯文惟某能然所舉不遂甘  
棄一官旣發其覆果匪異人滿堂動容僕隸同喧  
望溪集 祭文

與公朋齒宿號知音得以至公兩無愧心老親趣  
余歸裝在途公使來追靳鞅道隅余不反顧懼公  
見督公以書來詞溫意渥公尋使楚命余速西余  
時腹悲冬以爲期忽承凶問帶經長號緋鞞帷荒  
尋駐江臯余入太學公實朋試公旣日顯余每自  
避辱公交余惟恐不親鈍直可貴公知獨真十年  
三接違離日遠誼重心勤結懽則淺公之詩篇已  
足自壽在公無悲獨爲世疾古稱善人天地之紀  
余所師友蓋可屈指大理質行

宛平高  
公喬

秩宗經術

長淵韓公藜

侃侃少宰

太原姜公櫛

守官不屈窮在下者劉

徐二生

言潔詒孫

經明行修吾道之楨後先一紀壯脆

老終匪余恩私懼世瞽聵楚山崩崩邗水嗚咽涕

泣陳詞肝腸斷絕

望溪集

祭文



祭張文端公文

嗚呼我公爲國宗臣終始一節

帝川忱恂公如元氣運物無迹審機正軸功無與匹其志其事異世可知寸心耿耿獨承恩私余幼泥古孤行自尚病俗流從誤矯以亢伊余先世與公有連衆附恐後余避不前北試京兆牒遇禮部公比羣士謂宜獨步凡在列者奏公稱師余獨自外接以常儀謂公余棄公心以傾始脫文貌喻以平生歲在協洽蒼龍南御公來長干獲侍旅寓謂望溪集 祭文

國得賢如室有木子果能駕吾推子穀余謂公已小人有母衰疾相依獨身無輔公鑒其誠悄然不怡謂子固爾我心則違感公拳拳中如有物余豈能賢公知恐辱余籍春官由顧與陳陳成進士實出公門余旣南還謁公里第北面升堂始正大義公在林泉疊疊翼翼至忠體國心懷

宸極私爲世喜公志未衰孰期踰歲遂乘東維公自禁密經體贊元明農待老人無間言於人無愧在天曲全先儒所稱公實應焉在公何悲邦國之

癸况於知故能無心劇嗚呼哀哉

望溪集

祭文

四



祭王崑繩文

嗚呼子生於天。余謂非偶。嗟同衆萬。視猶芻狗。子之心胸。函山振海。子之議論。風驚雷駭。豈虛在今。志亦無古。英光浩氣。今歸何所。世士虛憍。外張中餒。古所云狂子。差可擬少。隨父兄陸。沉自喜匿跡。淮墳行歌。燕市志以貧移。傾身救水。外取所求。中以自鄙。顧視儕輩。如塵如稭。可者數士。謬及於余。未見而親。久益不疑。行身務學。以謀以咨。天與屯蹇。異徑同歸。夙心並負。次且路岐。丙戌之春。揖我望溪集 祭文

希顏孟其志亦誠行與心違蹉跎竟老遺書在篋  
其半惟草臨風灑泣氣盡心孤子止於此况於吾  
徒嗚呼哀哉尚饗

望溪集 祭文

六

祭滄洲陳公文

嗚乎陳公履道方夷命忽隕墜斯人之悲公材天  
植遭遇亦奇屢困而亨終鬱不施始令西安繼調  
山陽端緒已兆所部稱良及再作守皆由特舉義  
聲先路戶歌衢舞旬時風動期月政成嘉師怙恃  
姦豪易行公治一方譽流千里游談奮袂心矜色  
喜再忤大府必擠之死

先皇鑒照獄詞無浼公之在理士民洵洵輟耕廢  
業號泣而從或奉壺殮或持服脯謂公良食公無

望溪集

祭文

七

我苦罷歸

內殿稽編文史四海望公如痿思起觀察霸昌

聖心復倚

天語親承古賢是擬河決武陟害延近畿千村流  
漂漕轉不時

皇帝曰咨汝予肱股往巡往宣遂攝大府公入大  
府百政皆清蠹祛工實賦役有憑三舉監司罔非  
民譽父老泣言自今保聚惟

嗣天子大孝親賢乃實授節以肅政權歲漕既畢

躬臨決河相基命植程工別科告功有期民勞其  
惕孰謂公身先與世棄公之屢試久者踰年晚而  
大任俾公獨肩謂宜永年以弘開濟而功未成歿  
猶賚志邦國之瘁黎蒸之窮其在於公高朗令終  
衆心難饜直節易虧惟公炯炯終始無疵完公令  
名闕世實用彼蒼有知能無悔慟有心有耳莫不  
惻傷况於知舊潛裂中腸嗚呼哀哉尚饗

望溪集

祭文

八

祭左未生文

余於故里兄事者三朱劉賚志今君亦瘖始聞君  
行矯亢異俗及余得交但見可欲臭味之同如流  
斯滙憂思苦病見君卽解余出余歸行踪每合惟  
朱與劉未若君習余之在難君未及唁誓言拳拳  
生必再見果踐前期崎嶇自致黃髮素髭其容則  
悴余出塞門君亦繼至積色灘聲朝昏相慰始秋  
南轅逶迤燕市經涉冬春余行復啓謂君趣駕秋  
以爲期孰知背面遂至於斯君訃之至君喪已歸  
望溪集 祭文

九

號痛窮天、膈臆敗摧、計數吾儕、動屯行蹇、惟君怡  
愉、履道坦坦、學同志同、命豈能懸、老而羈死、理亦  
宜然、死者之恨、生者之憂、泯矣終古、欲訴何由、嗚  
呼哀哉尚饗

祭白侯文

余聞君訃往歲之秋時在塞垣心填百憂盡室北徙適廻在途沉疴疊嬰顧影心孤燕秦懸隔莫通喪紀欲寄一言寸心難理公私薄遽以夕以晨昏昏莫辨經涉冬春傳車祇役夜宿蘧廬君來見夢執手踟躕告余將歸余不能止相持驚寤心怛不已與君爲友歲逾星紀以古爲要善終如始君令於桐余爲部人義相然信若弟與昆吏疵民瘼有言不違行危語盡君亦余規余之在難君未得面望溪集 祭文

傳君踰年寢食倦倦孰云交契遂止於斯絕天隔地永無見期聞君喪歸已閉筵門魂旣安宅來存故人君有悌弟子姓皆良成然首邱順彼大常我心之悲惟君則喻幽明殊路終古誰訴昧旦聯辭晨告於野明水瓣香有淚如瀉

與黃玉圃同祭尹少宰文

嗚呼高山大原。聚日星河嶽之氣。以生良才。根株已中乎繩墨。棟梁可任而雷火爲之災。是乃陰陽之錯行。實爲天地之大絃。嗚呼元乎。慨余暮年所得士友。信道篤而務仔肩。名教者子最淳誠。而交期則未久。子自中州入副臺。長始得相見。而踰年期。分手余旣南還。子歸養母歲時。通書惟禮經。是即往歲仲秋。子持使節。盡屏儀從。徒步以相從。問何以然。則賢母遺命。必躬親杖履。若睢州之於夏

望溪集

祭文

十一

峯。余愧非其人。辭未得致。已稽首而扶筇。再過吾廬。上下千載。始知古人之志事。已蟠結於子之心胸。茲孟秋望後。吾友玉圃將以監司入覲。約汎舟於北湖前期二日。薄暮來告。茲遊宜罷。博野遽殂。行者爲之心惻。而况於吾徒降中庭。而東面三踊。號。論。淚。枯。亟。相。過。以。問。故。則。遭。瘧。寒。之。疾。以。望。前。四。日。按。臨。松。泖。越。翼。日。而。含。珠。玉。圃。再。起。治。在。祥。符。子。爲。大。府。班。隨。旅。見。栗。階。以。趨。子。獨。加。禮。釋。辭。自。下。若。後。進。之。接。師。儒。二。司。心。詫。動。色。睢。盱。玉。圃。

南移子適視學三吳會其以疾在告就視臥榻握手  
踟躕感念往事蒿目相對竟夕而長吁嗚呼元  
孚子之當官實心實政所至而愛遺子之在戚居  
處飲食一應於喪期子之造士閉邪養正引洛閩  
之綱維而常自慙碌碌無一事能踐高賢烈士之  
跡使尚論者千載而有餘思余謂世有斯人天或  
將降以大任但恐歲不吾與不獲親見其功施孰  
知乃先得子之凶問臨風而涕洟余困衰疾玉圍  
事羈弔唁弗躬嗚咽馳辭豈惟吾儕之私義實爲

望溪集

祭文

十二

斯民斯道重此憂悲子宜知之嗚呼哀哉尚饗



祭張母吳夫人文

嗚呼夫人之年七十有一又得良子以養生送死  
抑又何悲而余聞夫人之凶問不覺絜歎而嗚咽  
者蓋爲其子自超痛也今年春自超成進士或欲  
薦以館職自超曰某之舉於鄉也吾母愀然曰汝  
無所用此吾第欲汝得妾以子而常在吾側耳自  
超歸而從命焉而妾入室之夕夫人以卒嗚呼世  
俗之人願其子舉甲乙歷科第而死不恨者衆矣  
而天漫以畀自超有子以繼世匹夫匹婦之常也  
而於自超難之自超終當有子而獨不得早歲月  
以傷其垂死之母之心嗚呼禹之仁孝也而痛之  
以羽淵周公之弟也而阨之以管蔡以至君臣夫  
婦朋友之間其賢者不必相遇而不賢者巧作之  
合以生惡故先兄有言乾坤之闢始於屯而終於  
未濟蓋天地之氣有盈竭數有純奇物生所值雖  
造物者亦不可如何也嗚呼爲父母而得見其子  
之成立者寡矣見其成立而子於兄弟夫婦子姓  
之間苟有恨焉則無物足以解其憂而致孝與敬

適足爲親心之累。故余不獨爲自超痛。又以爲凡  
爲父母與爲子者痛也。因書之以馳奠焉。

望溪集 祭文



又爲贈心之累。故余不獨爲自超痛。又以爲凡  
爲父母與爲子者痛也。因書之以馳奠焉。

望溪先生文 偶抄

家狀誌哀辭

受業王兆符程峯輯

大父馬溪府君墓誌銘

苞先世家桐城明季曾大父副使公以避寇亂之  
秣陵遂定居焉吾父出贅留滯棠邑凡十年苞生  
六年大父司訓於蕪湖吾父始歸秣陵舊居計此  
生惟大父承公事至秣陵苞應試皖桐道蕪湖得  
暫相依其時可稽日可數也江南土薄葬非其地  
水蟻必宅焉故高祖太僕公家桐城越十餘年而  
望溪集 墓誌  
葬秣陵曾大父家秣陵越數十年而葬繁昌大父  
之終也吾父及叔父御柩歸桐城以大母權厝秣  
陵數十年而未得葬也及邁宗禍近支皆北徙諸  
弟倉卒葬大父及叔父母於所居之梁莊已十年  
而術者曰陰流入曠矣禍猶未已啓之信然復出  
而攢焉今

天子嗣位布大德赦吾宗還鄉里苞蒙

恩給假歸葬父母復奉大父柩自桐城來秣陵痛  
少時以家貧迫生計未得時依大父及冠後從錢

飲光杜于皇蒼畧諸先輩遊始知大父文學爲同  
時江介諸公所重大父官蕪湖兄舟實從凡七年  
每語余曰大父之仁也曾王父未葬一飯不忘春  
秋時享及令節良辰未嘗不嘯唏終日嗚呼大父  
之葬未卜何期而苞自付則生世無幾時矣乃畧  
叙改葬之由以付兄子道希而待事焉大父處境  
順無由爲卓絕之行而官甚微士皆務科舉之學  
教之所及亦淺故不敢漫述惟自痛咎愆之積而  
已大父諱幟字漢樹號馬溪年十一入安慶府學

望溪集

墓誌

二

以歲貢生爲蕪湖縣學訓導遷興化縣學教諭告  
歸卒於蕪湖時康熙丁卯七月也年七十有三大  
母吳孺人早世葬江寧縣南周村穴甚狹不容合  
葬子三人長伯父諱綏遠次吾父諱仲舒次叔父  
諱珠鱗庶祖母王氏出也女七人皆適士族以某  
年某月某日葬於某鄉某原銘曰  
營之艱宅之寧以庇我後生

台拱岡墓碣

先考妣既卜葬於台拱岡之七年不肖子苞始得請假歸視窀穸雍正二年五月望前二日至自京師郊宿越翼日丙辰展墓卜日得六月丁酉穿穴視燥濕始反土而定封焉嗚呼昔我先妣姚孺人早亡吾父更出贅時外祖官罷客死家貧內御者一人老不任事吾母縫紵浣濯洒掃烹爨日不暇給吾兄弟疾病啼號則吾父保抱攜持焉五歲課章句稍長治經書古文吾父口授指畫焉其後自

望溪集

墓碣

三

棠邑遷金陵益窶艱已巳庚年間日食始能再而弟林死苞與兄舟客燕齊歷歲移時不得一歸省歸則計日以行至庚辰誓不更違三親遠遊而逾年兄又死每當弟與兄忌日生辰及春秋伏臘令節吾母先期意色慘沮背人掩涕過旬猶不能平吾父則召親賓劇飲號呶以自混或遊郊野沉暝然後歸自苞省人事未嘗見吾父母有一日之安也吾父之歿也宅兆未營而不肖子以南山集牽

連赴

詔獄會宗禍有司奏宜族誅

聖祖仁皇帝哀矜並免罪隸旗伍而命苞給事

內廷戚友御吾母以北衰病纏連不肖子服公事  
晨入夜歸又自首夏至杪秋必祇役塞上不得在  
視起居寒煖吾母之歿也會返役得視含斂而喪  
南還附漕船不獲躬扶柩至潞河以人事之常計  
此生不得復見先人之塋墓矣故據戴記境外不  
俟之禮使兄子道希道永奉大父母柩以戊戌二  
月壬寅葬於南鄙石嘴之台拱岡如天之福

望溪集

墓碣

四

今皇帝嗣位推廣

先帝遺德

恩詔特原牽連入旗者赦歸鄉里吾祖宗塋墓有  
至而不肖子得視窀穸負土以終事且承

戴

聖制謂以苞故而宥及全宗吾父母而有知也其  
聖主無涯之德而爲不肖子悲喜當何如故敬告  
以妥靈且碣於原俾世世子孫知謹身寡過爲匹  
夫而常守塋墓之難也吾父生平宋潛虛旣論次

爲家傳吾母之喪故江寧太守長沙陳公鵬年適在京師預爲銘幽之文其言視不肖子苟爲可徵信於後世故弗更著焉先考字南董號逸巢生於明崇禎十一年十一月十六日寅時卒於

大清康熙四十六年十月初四日亥時先妣姓吳氏知同光二州同知紹興府事諱勉長女生於崇禎十五年正月十五日子時卒於康熙五十四年十二月初九日午時子三人女五人伯氏仲氏姚孺人出姚孺人從葬祖姑趙恭人墓側距今七十里望溪集

墓碣

五

有五年矣不敢遷祔新阡懼魄體之動也七月朔後五日男苞述

先母行畧

吾母姓吳氏先世莆田人後遷京師外祖諱勉爲名諸生貢成均知同光二州同知紹興府事以直節忤其地權貴人罷官流轉江淮間於吾宗老塗山所見先君子詩因女焉吾母生而靜正誠意盎然終身無疾言遠色五六歲時外祖每曰吾宗衰此女乃不爲男兒遇經史中女事必爲講說及歸先君子不及事姑或語及先王母輒哽咽欲淚前母姚孺人遺女二次姊少桀傲母啣濡久而悔悟

望溪集

行畧

六

勉爲孝敬先君子中歲尤窮空母生苞兄弟及女兄弟凡六人一婢老不任事縫紵浣濯洒掃炊爨皆身執之方冬時僅敝絮一衾有覆而無薦旬月中不再食者屢焉而先君子喜交游江介耆舊過從無虛日必具肴蔬淹留竟日母嘗疽發於背猶勉強供事十餘年無晷刻休暇而先君子性嚴毅絲粟不治客退必詰責不少寬假母益篤謹無幾微見於顏面及先君子將終惻然曰與若共事五十年若於我毫髮無愧也母性孝慈而外祖父母



及舅氏皆客死繼而吾弟早夭兄及姊適馮氏者  
復中道夭默默銜悲憂遂成心疾六十後患此幾  
二十年每作晝夜語不休然皆幼所聞古嘉言懿  
行及侍父母時事無涉鄙倍者臥疾逾年轉側痛  
苦見者心惻而母恬然時微呻未嘗呼天及父母  
既彌留苞及小妹在側無戚容悲言恐傷不肖子  
之心也生平未嘗一語詈僕婢而能使愛畏不敢  
設欺誑卒之後內御者老幼悲啼過於子姓不可  
曲止焉男苞泣血述

望溪集

行畧

七

兄百川墓誌銘

兄諱舟字百川性倜儻好讀書而不樂爲章句文字之業八九歲誦左氏太史公書遇兵事輒集錄置裕衣中避人呼苞語以所由勝敗時吾父寓居棠邑留稼村兄暇則之大聲中召群兒布勒左右爲陣年十四侍王父于蕪湖踰歲歸曰吾鄉所學無所施用家貧二大人冬無絮衣當求爲邑諸生課蒙童以贍朝夕耳踰歲入邑庠遂以制舉之名天下慕廬韓公見之嘆曰二百年無此也自以望溪集

墓誌

八

時文設科用此名家者僅十數人皆舉甲乙科者以諸生之文而橫被六合自兄始一時名輩皆願從兄遊而兄遇之落落然江西梁質人宿松朱字絲以經世之學自負其議論證彙經史橫從穿貫聞者莫不屈服而兄常默默退而發其覆鮮不窒礙者苞謂兄盍譬曉之曰諸君子口談最賢非以憂天下也兄長余二歲兒時家無僕婢五六歲即依兄卧起兄赴蕪湖之歲將行伏余背而流涕其後少長卽各奔走四方余歸兄常在外兄歸余常

在外計日月得與兄相依較之友朋之昵好者有不及焉兄常曰吾與汝得常家居俾二大人無離憂春秋佳日與二三同好步北山徘徊墟莽間候暝色而歸吾願足矣及庚辰四月余歸自京師七月兄歸自皖江而疾遂篤未得一試斯言也弟林先兄十歲卒兄欲於近郊平疇買小邱自爲生壙而葬弟於其側辛巳四月余爲弟卜地於泉井夢土人云伯夷今葬是余不忍廢兄之命遂以次年三月十六日遷弟柩與兄并葬其村之北原兄歿於康熙辛巳年十月二十一日年三十有七娶張氏子道希道永銘曰

不若于道者天絕之胡體其所受而至于斯矧材與志古固有不遂而又何悒

望溪集

墓誌

九

弟椒塗墓誌銘

吾弟旣歿且十年吾與兄奔走四方尙不能爲得一邱之土而兄亦以憂勞致疾卒於辛巳之冬踰年春始卜葬於泉井之西原而以弟祔焉自乙卯以前吾父寓居棠村弟始孩依母及羣姊而余依兄戊午後兄侍王父于蕪湖而弟復依余自遷金陵弟與兄并女兄弟數人皆瘡痍數歲不瘳而貧無衣有壞木委西階下每冬月候曦光過檐下輒大喜相呼列坐木上漸移就暄至東墻下日西夕

望溪集

墓誌

十

牽連入室意常慘然兄赴蕪湖之後家益困旬月中屢不再食或得果餌弟託言不嗜必使余啖之時家無僮僕特室在竹圃西偏遠於內余與弟讀書其中每薄暮風聲肅然則顧影自恐按時弟必來視余或弟坐此余治他事間忘之矣弟性警敏鷄鳴入市購米薪日中治家事客至佐吾母供酒漿日入誦書夜參半不寐體素羸吾與兄數戒之不得竊恨焉果用此致疾方弟之存家雖貧父母起居寢食毫髮以上弟皆在視得其節弟歿吾與

兄勤志之、輒復遺忘、吾父喜交遊與諸公夜飲或  
漏盡乃歸旬月中間者僅三數日耳弟恒令家人  
就寢而已獨候門及余繼之則困不支矣弟疾起  
於丁卯之冬時余與兄避難吳中弟偕行咯血隱  
而不言血氣遂大耗其卒也以齒牙之疾蓋體羸  
不能服藥也先卒之數日余心氣悸動父命避居  
野寺弟彌留及夢中呼余不已嗚呼昔之人常致  
死以勤禮余未有疾而廢焉悔與痛有終極耶  
弟初名棠君後更名林字椒塗卒於康熙庚午三  
月初四日年二十有一銘曰

望溪集

墓誌

十一

天之於吾弟吾兄酷矣使弟與兄死而余獨生於  
余更酷矣死而無知則已其有知弟與兄痛余之  
無依毋視余之自痛而更酷耶

沈氏姑生壙銘

姑次居六繼室於沈氏嫁愆期年二十有六矣夫故失愛於父常孤行遠遊姑年三十有一而夫死無何舅亦死羣叔離異獨挈幼女及前娣之子以居子將冠又死而女贅陶氏子良遂依焉先君子於諸姑貧者月有餼而姑未嘗言貧被服必潔以完苞客遊家居日稀曾不知姑之艱也姑老矣偶袒內襦補綴無間咫搗者因泣然曰此未足言也吾始寡沈氏以爲贅疣居荒園日夕擷野蔬聚落葉而炊之每陰雨則持二孤以泣時汝祖老汝父貧多累故不敢告以重父兄憂至於今於吾爲寬矣苞自倦遊歸喪葬婚嫁無虛歲又女兄弟五人皆貧不能自存雖知姑之艱未暇爲謀常私自付以爲生養死藏吾終當任之而今無望矣苞難後姑見家人必號痛今年春以書來曰吾居世幾何將竈於夫之兆姪銘之及吾之見也先君子女兄弟凡十人今其存者惟姑與小姑耳姑年七十餘苞淹恤無期而今乃誌姑之生壙尙何以舉其辭

耶姑之夫諱某武舉人其卒也距今康熙己亥四十有一年墓在江寧縣某鄉某原銘曰  
發終世婦事畢百歲之後歸其室

望溪集 廣銘

望溪先生文

偶抄

騷賦表啟銘題

受業王兆符程崧輯

七思

兄百川先生

憶生小兮棠之鄙。兄束髮兮余毀齒。招羣兒兮布  
行陣。據岡陵兮畫營壘。比受書兮心開。萃野傅巖  
兮神往。來聞四鄉兮捐瘠。憂旱蝗兮忘寢食。旣移  
家兮白門。兄侍祖兮蕪江墳。念二親兮背膺。辟語  
含悽兮夜達旦。旣浹歲兮來歸。歎愚迷兮不自知。

望溪集

騷

親長艱兮子職失。顧外此兮安所恤。勤俗學兮召  
生徒。盜無儲兮桁無襦。各掉臂兮分馳。心搖搖兮  
天一涯。咨祁寒兮暑雨。溫清常違兮後難補。誓飲  
水兮啜菽。依庭帷兮勿再出。兄返棹兮秋清。喜相  
持兮心暗驚。上高堂兮強笑。語疾已纏身兮癡心  
腑。困藥石兮經年。智氣清明兮命不延。謂正終兮  
毋黷。將絰纊兮猶齊邀。誘二老兮安眠。喻妻兒兮  
勿前。暝移時兮忽張口。申余戒兮情尤蹙。嗟童稚  
兮相隨。動止因依兮不暫離。視燠寒兮戒走趨。恩



勤如母兮義兼師長飢驅兮僕僕痛乖兮苦相  
最存夜氣兮懼枯亡警畏途兮虞莽伏恨余頑兮  
弗醒終擿值兮冥行疎周防兮罹罪罟憂病母兮  
離鄉土負親恩兮悖兄訓撫寸心兮難自問永思  
騫兮百感集腸繚轉兮嗟何及

弟椒塗

兄始赴兮鳩茲余心孤兮類狂癡母挈弟兮界余  
寢食相依兮漸坦夷弟垂髫兮能內事左右無方  
兮達親意吾翁夜遊兮星斗闌弟唵誦兮待更殘

望溪集

騷



二

迓親賓兮拂几席竈下煎和兮助母力嗟余繼兄  
兮數行遊弟居守兮憺無憂歲已巳兮秋雲黢宵  
濟澄江兮幽夢感荆榛四塞兮塗冥冥連山赤黑  
兮延火烝余呼弟兮母前行弟赴火兮如絃驚叫  
天觸地兮悲填膺忽寐覺兮心怛怛竭來歸兮歲  
將畢弟果邁兮齒牙疾厲熏心兮苦自匿懼骨月  
兮憂思逼涉季春兮月生魄命遐終兮厄鬼伯哀  
吾生兮負人紀恨於弟兮無倫比饑缺食兮寒思  
綿縈苦辛兮夜不眠惜寸晷兮繹經書每發問兮

心開余余卞急兮多馮怒弟愉婉兮徐相喻謂行  
修兮德可成嗟中道兮隔幽明當沉疴兮正暝眩  
余懷憂兮體忽變重愛身兮輕失義既彌留兮忍  
相避第率前六日余外腎忽蹙縮入腹內為醫者所嚇避居野寺痛入天兮悔  
莫釋死自罰兮終何益余庚戌立秋前二日疾病作遺令斂時袒右臂

伯姊

余髻角兮未生齒持負噓呵兮屬伯姊姊年先兮  
一紀動息無違兮宮事理幼學步兮奔騰重強負  
兮危能升姊俄瞬兮心經食為吐兮櫛為停逮纒  
望溪集三

神兮辭姆承兩姑兮心獨苦介恃嫡兮競橫冢婦  
搗謙兮不敢並時歸寧兮母有問稱姑慈兮奴無  
愠年過二十兮卽為媵侍食重闈兮遺事苦抑悲  
姑旋亡兮子并天昏夢悲啼兮寤辟標中歲長齋  
兮祝嫡姑宵旦依依兮卧起扶幸有妹兮四妹亦歸鮑季  
子為宛若謂餘生兮將有託夫之弟子兮弟之女

嗣為婚媼兮茂機杼門內團樂兮聚親屬菽水能  
供兮得安處夫命至兮天時懟晝立清庭兮忽顛  
躓枕席吟嘯兮累年歲初言謔兮既魂悸嗟余告

歸兮姊在牀。語不辨兮淚盈眶。每一見兮增悲瘵。  
不經旬兮不敢視。迫公程兮作死別。及半途兮姊  
萎絕。痛在世兮常生離。永負心兮更何說。

### 仲姊

姊墮地兮前母亡。母鞠育兮懷閔傷。恩雖勤兮教  
未執。女事煩勞兮多不習。既有家兮不相中。賴姑  
慈兮尚無闕。中歲姑亡兮家益落。竟世飢寒兮常  
嗃嗃。姊夫既耄兮病沉堙。五易春秋兮伏枕茵。竭  
麗宵晨兮併百憂。年過七十兮影無儔。天難呼兮  
望溪集 騷  
四  
惟自慙力微。心灰兮命亦盡。嗟姊疲瘵兮復踰年。  
地濶天長兮心目懸。念先妣兮歿賫志。惟姊存兮  
愛可寄。伯姊殂兮姊繼之。痛骨脈兮更無遺。有女  
新嫠兮生事窒。吾身後兮宜勤恤。

### 三姊

昔吾父兮不憂貧。拚掃炊烹兮母實親。兩姊出嫁  
兮家無人。姊孩稚兮備艱辛。弟妹啼號兮強飭力。  
夜倒衣兮晝忘食。剝啄聲喧兮庭有客。趣馘蔬兮  
理盤糲。嗟余兄弟兮常危疾。姊在視兮時銜恤。勤

樂初兮顓神靈每竟夕兮燈熒熒年逾二紀兮復  
愆期入贅暮周兮始授綏姊夫歲出兮守闈窶養  
公姥兮尤勤劬米薪強半兮母家索潔饋食兮甘  
糠覈苦遭長叔兮性隘儻養不顧兮偏工讒稚子  
寒衣兮不蔽膝謂兄嫂兮餘私積朝進食兮暮加  
衣姑含怒兮滋乖違膈噎經年兮隱自悲命在須  
臾兮畏母知弟早爨兮兄繼萎余天涯兮身係羈  
念姊仁恩兮常惻惻心欲報兮無終極余盛夏兮  
始來歸姊初秋兮與世辭志長賫兮更誰訴情寃  
望溪集 騷  
見兮惟泉路

五

妻蔡氏

之子歸予兮歲將暮獻歲燕南兮就知故吾父吾  
兄兮書問傳定省温恭兮介婦賢暑霑襦兮寒栗  
膚隨冢婦兮饋中廚日月相疎兮歸路遠十載崎  
嶇兮轡三返誓言息足兮守故邱兄櫻危疾兮母  
沉憂予茫洋兮若無歸妻左右兮事無違晝娛姑  
兮誦古記夜助我兮斂荆燧時方娠兮苦無力氣  
弱心孤兮強自飭哀吾生兮長卒卒逐公車兮復

再出丙戌首夏兮經邗溝生徒請業兮爲淹留願  
假園林兮奉老親四序皆宜兮景物新歸告高堂  
兮欣有託入室申言兮理行橐秋期近兮一葦杭  
自今與女兮同安樂審將言兮容忽覩吾與君兮  
結權淺別常淹久兮見常稀會當行兮事或舛嗟  
斯言兮竟成識閱月身亡兮若弦翦二親含感兮  
顏不開稚女求哺兮淚常滋踰歲旻天兮降鞠凶  
吾父康強兮命亦終衰麻釋兮刑禍延關木索兮  
復連年寬刑書兮編禁伍母依子兮來江滸望關  
望溪集 釋 六

河兮阻深衰疾熒熒兮遡風雨念吾妻兮若未死  
寢食扶將兮尙可倚妻早逝兮免憂煎獨予身兮  
積疚愆

兒子道希

春陽兮載歊白日兮昭昭而杳杳兮卽長夜患吾  
心兮若焦而出腹兮呱呱吾二親兮色愉比齒生  
兮含妝盡室歡忻兮相告語時風咳兮寒瘡嗟余  
弟兮重煩勞安汝眠兮畏汝驚保抱終宵兮圈豚  
行歎門祚兮衰殘失所怙兮常變藥及受室兮歲

三遷祖重承兮泣血漣旣脫衰兮余邁難宗禍延  
兮天屬散內機辟兮外置孳狐晝鳴兮鬼夜闕顧  
四海兮一身多母妻呻吟兮弟妹哦望何門兮投  
止竄窮山兮伏戎起陰霾靖兮皇穹開精已銷亡  
兮憂未弭愛子溘兮朝露痛春暉兮不再駐恃孝  
婦兮同心思子隨姑兮卽長暮挈家累兮依所親  
冀桑榆兮志少伸駭驚風兮折雁翻氣噎塞兮橫  
胸臆兄心摧兮弟叢棘弟未死兮兄幽隔而父而  
母兮兆南岡妻對埏兮子在旁魂營營兮識路望

望溪集

卷

江天兮隱雲樹

七

先君子同產八人乾隆三年姑適曾氏者歿惟  
叔父小姑尚存叔母早世叔父感傷欲倣楚辭  
作七思含意聯辭輒氣結而中止今年正月兄  
卒於京邸叔父哭之慟兼旬夜不能寐始爲兄  
成一章浹月中次第屬草命永編錄問序次之  
義曰男女異長諸姑出室不可以齒序也叔母  
亞諸姑何也曰不以服之重輕先天屬也置季  
姑適鮑氏者何也曰有子年近六十處境順哀

辭已前具矣大父大母無述焉何也曰自古無  
子別父母之詩陟岵作於中途但言父母思已  
而不言已思父母唐人作觀別者不自言離其  
親不忍言也親亡而自痛自責則義盡於蓼莪  
矣騷之義隱深其辭恫恍而彬蔚茲則易之以  
直樸何也曰至親不文修辭之體要則然乾隆  
六年四月望前二日道永識

讀行露

行露之詩世儒多引韓詩及劉向列女傳以謂申人之女許嫁於酆夫家不備禮而欲迎之雖致獄訟女終不行誣矣哉。嬰與向胡爲而傳此乎。蓋此詩旣女子所自作。則失怙恃且無兄弟之依。可矩矣。曰許嫁則許之者必父兄也。遭家之變莫爲之主。雖自歸於舅姑不得謂非義。况其夫就而迎之乎。旣有獄訟以召伯之明。則必開以大義而哀爲之配矣。其詩曰誰謂汝無家。信如所傳是故有室家之約也。以一禮未備而終不肯行。則將轉而之他乎。此害義傷教不近於人情而可列正始之風以爲教於閨門鄉黨邦國與。嬰向之蔽良由未達於室家不足之云。而以辭害義不知設詐以求偶。卽此已不足爲人夫。此貞女所以疾之深而拒之決也。以朱子之勤經。豈其未見嬰向之書。蓋嚴而斥之以無溷後人。而羣儒乃援集傳禮或未備一語以曲證其誣辭不亦悖乎。



